

عَلَّ شَ مَسِينِ عَنبِ عَمْسِ بَّ

مَسِينِ نَدِي تَكَابِي شَ قِ رَ

عَنْبِ عَمْسِ نَمَحَمَّ نَ نُ عَ رَنْشَن كَوْنَدِ تِ يَدِي مَنْفَ يُسِي شَ وَشَتِ .  
 نَ تَمِي عَسْرِيَلِ بَشِ ، عَلَّ نَشَن قَشِ عَ شَ حَمَ مَ كَبِ عَنْبِ مُنَسَ شَ  
 تَمِي ، عَ نَ بَرَنْشَن دَشَ قِرِن . عَ يَرْقِنِي سَيَتِ شَلِ يَدِي ، عَ كَوَلِ سَيَتِ شَلِ  
 عَسْرِيَلِ . مَنْفَ يَرْوَمَ نَ نَ عَسْرِيَلِ بَشِ مَ . عَ مَ تَنِ بَرِدِ عَلَّ شَ سَرِي قَشِ  
 رَ ، عَ شَ حَمَ قَنَ مَ لُ كَرَقِنِي شَن مَ .

عَنْبِ عَمْسِ نَشَن كَوْنَدِ تِ عَسْرِيَلِكِي بَّ ، عَلَّكَ عَ شَ فِيلِنِ عَ شَ يَنِي  
 قَشِ رَ . عَ نَشَ تَنِي دَشَ كِي بَتَقِي رَ . عَ مَ عَلْتَلَلِ بَتَقِي رَجَن ، كَنَ عَ نَ بَرَكِي  
 بَتِي قَنَ سَ نَ قِرَ . نَ نَنَ عَ رَعَلِ نَشَ عَ مَسِنَ عَ بَّ عَنْبِ عَمْسِ سَابِي رَ ،  
 عَ عَ شَ سَلِ بَرِنَ بَرَقِنَدِ سَلِ قُقُقُ رَ . عَلَّ مَ وَمَ عَ قِرِنَ نَدِ شَن مَ .  
 نَ وَشَتِ عَسْرِيَلِكِ وَيَشِي نَ بَرِ نَاقِلِ فَيَفِبِ سَتِ . عَ نَشَ عَ مَحْشَنَ عَ نَ  
 بَرِنَ قِنَدِشَ عَلَّ شَ بَرَكِ نَنَ نَ عَ تَنِ مِيرِ . عَنْبِ عَمْسِ نَشَ عَ مَسِنَ عَ بَّ عَ  
 نَ نَاقِلِ مَ نَ كِلَشِ عَلَّ شَ مَ ، عَ كِلَشِ عَ شَ قِ كِي نَنَ مَ عَ لَشِي رَشِ  
 سَتَرِي رَ .

عَنْبِ عَمْسِ تَ فَ عَ كَلَهْدِ نَ قِ مَ ، عَ نَشَ عَ قَلِ عَ بَّ عَ عَلْتَلَلِ قَمَ نَ

عَ حَشَنكَدِعَ حَاشِ رَعِ شَ يَنْبِي شَ قِ رَ . عِسرِيَلِكِي نُّ عَ مَحْشَنَشِ نُّ عَ  
 قِ شَرَشِي يِ مٌ نَمَ عَ لِدِ ، كُنَّ عَمْسِ نَشَ عَ مِينِدِ عَ شَ فِيلِنَ عَلَ شَ سَرِي  
 مَ ، شَ نَ مٌ عَ رَعِ بَرِنَ قَمَ نَّ هَلَكِدِ .

عَلْتَلَّ نَشَ عِسرِيَلِكِي حَشَنكَتَ عَلَ عَنَبِ عَمْسِ عَ قَلَ عَ بَ كِ نَشَ . عَ  
 يَشِي نَشَ عَ فِرِعَ حَاشِ رَ . عِسرِيَلِكِ نَشِي مٌ قَشَ سَنَدِقَمَ رَ ، عَ نَشَ لُ كُنِي  
 كِي حَمَّ مَ . عَلْتَلَّ شَ مَسِنِي بَرِنَ نَشَ كَجَلِ .

يِ سَكْبِي شَ مَسِنِي تَدِ فَبُ تَ مِشِي بَ . عَ لَمَّ وَنَ شَ وَنَ تَلِ مَتِ يِ  
 كَوْنِدِ رَعَلَكُ وَنَ شَ دَشِنِي عَلَ مَ عَلَ عَ وَمَ عَ شَنَ مَ كِ نَشَ . شَ نَ مٌ عَ رَ  
 وَنَ قَنَ قَمَ نَّ حَشَنكَتَ سَنَدِ عَلَ عِسرِيَلِكِي . عَلَ شَ وَنَ تَنَفَ نَ مَ . عَمِنَ .

## عَلَ شَ مَسِنِي عَنَبِ عَمْسِ بَ

### عَنَبِ عَمْسِ شَ مَسِنِي

1 عَنَبِ عَمْسِ ، تَكُوكُ شَرَسِ كِنِي ، نَشَ لَامَتِي تَ عِسرِيَلِ شَ قِ رَ  
 يَدِي مَنَفِ يَبِي نُنَّ عِسرِيَلِ مَنَفِ يَرَبُومَ ، يوسِ شَ دِ شَ وَشَتِ ، حَ قَرِنَ  
 بِيَتُنَ بَشِ شَ سَرِنَ .

عَنَبِ عَمْسِ شَ مَسِنِي نَنَ يِ ؛

2 «عَلْتَلَّ عَ شَاحِ شِي رَمِنَمَ سِينِ مَ عَلَ يَتَّ ،

عَ عَ شِي عَتَشِ رَمِمَ كَلِ دَرَسَلْمُ .  
 سَسَّ مَ نَ قِيلِي مَ شُرْسِي نَشَن دُمُ ،  
 كَرَمِلِ فِي قَن بَرَّ شَرُ .»

دَمَسِ شَ يَنْبِ سِرِّ

3 عَتَلَل نَشَّ عَ مَسِّن ،

«دَمَسِ شَ يَنْبِ رِبَشِ سَشَنِي ،

شَ نَ مَ عَ رَنَانِ شَ قِ رَ ،

آ مَ فِيلِنَمَ آ مَ نَتَّ قَشِ رَ ،

عَ بَرَفَلِدِ كَنَ عَ حَاشِ رَ ،

عَلُ بَشِ بُشَمَ كِ نَشَّ .

4 آ تَّ دِمَمَ شَسِيلِ شَ بَنَشِ رَنَ نَن مَ .

نَ تَّ نَن قَمَ بِنَ هَدَدِ شَ يَرِ مَكَنَتَشِي فَنَدِ .

5 آ دَمَسِ شَ نَادَ بَلَنَ سِ فِرَمَ نَ .

آ عَوْنِكِي هَلَكَمَ نَ فُلْنَبَ كِي ،

عَ نُنُ مَنَفَّ نَشَنَ نَ بَتِ عَدِنَ .

سِرِّي حَمَ شَنَمَ نَن كِرِّي كُنِّي كِي .»

عَتَلَل شَ مَسِنِي نَن نَ كِ .

فَسَ شَ يَنْبِ سِرِّ

6 عَتَلَلْ نَشَّ عَ مَسِّنْ،

«فَسَّ شْ يَنْبِ رِبِّشِ سَشْنِيْ،

شْ نَ مُعَ رَنَانِ شْ قِ رَ،

أَمْ فِيلِنَمْ أَمْ نَتَّ قُشْ رَ.

عَ بَرَّتَا نِدِيْ شْ حَمَ بَرِنِ شَنِ عَدْنِ كُنِيِيْ كِيْ.

7 آتَّ دَنْمِ فَسَّ تَتَّ رَنَ نَ مَ.

نَ قَمَ نَّ عَ يِرِ مَكَنْشِيْ فَنَدِ.

8 آ عَسِدِدِ كِيْ هَلَكِمَ نَّ،

عَ نُنْ مَنَفَّ نَشْنِ نَ عَسَكَلْنِ.

آ عَكْرَنَ حَشَنَكَمَ نَّ،

قَلِسْتِكِيْ يِرِنَ قَشَمَ نَّ.»

مَرِفِ عَتَلَلْ شْ مَسِيْنِيْ نَنَ نَ كِ.

تِرِ شْ يَنْبِ سِرِ

9 عَتَلَلْ نَشَّ عَ مَسِّنْ،

«تِرِ شْ يَنْبِ رِبِّشِ سَشْنِيْ،

شْ نَ مُعَ رَنَانِ شْ قِ رَ،

أَمْ فِيلِنَمْ أَمْ نَتَّ قُشْ رَ.

عَ بَرَّتَا نِدِيْ شْ حَمَ بَرِنِ شَنِ عَدْنِ كُنِيِيْ كِيْ،

ع سَات كَن ع لَشَن تَفُّ ع نُن ع نَفَشَكْرِي عَسْرِيَلِكِي تَفِّ .  
 10 آ ت دَم تَر تَت رَن نَن م .  
 ن ت قَم نَّ ع يِر مَكْنَتَشِي فَنَدِ .»

عَدْن ش يَنْبِ سِرِّ

11 عَلْتَل نَش ع مَسِن ،

«عِدْن ش يَنْبِ رِبَشِ سَشْنِي ،

ش ن م ع رَنَانِ ش قِ رِ ،

آ م فِيلِمَ آ م نَت قُش رِ .

ع بَر ع نَفَشَكْرِي فِر سَنَتَدَم رِ .

ع م كَنِكِن ع م ،

ع ش شَن شَن نَن تَن مَسَم .

12 آ ت دَم ن تَمِن ن .

ن ت ن قَم بَسْرِيِر مَكْنَتَشِي فَنَدِ .»

عَمِن ش يَنْبِ سِرِّ

13 عَلْتَل نَش ع مَسِن ،

«عَمِنَكِي ش يَنْبِ رِبَشِ سَشْنِي ،

ش ن م ع رَنَانِ ش قِ رِ ،

آ م فِيلِمَ آ م نَت قُش رِ .

عَ بَرِّ فَلَ دِ فَنِّ قَرُشِي قَرِي رِبُو سَنَدِ قَمِّ رَ،  
 عَلَكُ عَ شَ بَشِ شُنْ شَ مَسْ .  
 14 آ تَ رَدِّ شَمَّ رَابَ تَتَّ رَنَ نَن مَ .  
 نَ تَ نَن قَمَّ عَ يَرِ مَكَنْتَشِي فَنَدِ .  
 15 عَ شَ مَنَفَّ نُنَّ عَ شَ كُنْتَفِي قَمَّ نَّ شِنْدِ كُنِي كِي،  
 فَرِ سُنْشِي رَتِّ فَرِ سَ لُشِي،  
 تَرَنَادَ فِي مَنِ شِي لُشِي .  
 عَلَ شَ مَسِنِي نَن نَ كِ .

## 2

مَوَّبَ شَ يَنْبِ سِرِّ  
 1 عَلَّتَلَّ نَشَّ عَ مَسِّنْ،  
 «مَوَّبَ شَ يَنْبِ رِبَشِ سَشِنِي،  
 شَ نَ مَ عَ رَنَانَ شَ قِ رَ،  
 آمُ فِيلِنَمَ آمَ نَتَّ قَشَ رَ .  
 عَ بَرِّ عَدَنَ مَنَفَّ شَرِي فَنَ هَنَ عَ بَرِّ قَدِ شُبِّ رَ .  
 2 آ تَ دَنَمَ مَوَّبَ رَنَ نَن مَ .  
 نَ تَ قَمَّ نَّ كَرِيَّتِ يَرِ مَكَنْتَشِي فَنَدِ .  
 مَوَّبَ شَ قِ حَمِّ فَرِ سُنْشِي نَن كِي،

فِرْقِرِ قِ شِي شِي كِي .  
 3 آعَ شَ شَ كِيَتَسِ شُنْفَبِ هَلَكَمَّ نَّ  
 نُنَّ عَ شَ شَ كُنْتَفِي رَ .  
 عَلَلَّ شَ مَسِنِي نُنَّ نَ كِ .

يُدِي شَ يَنْبِ سِرِ  
 4 عَلَلَّ نَشَ عَ مَسِنِ ،  
 «يُدِي شَ يَنْبِ رِبَشِ سَشَنِي ،  
 شَ نَ مَ عَ رَنَانَ شَ قِ رَ ،  
 آمُ فِيلَنِمَ آمَ نَتَّ قَشِ رَ .  
 عَ بَرَامَ سِرِي مَتَنَدِ ،  
 عَ مَ آمَ يَامِرِي سَشُ ،  
 بَرَمَ عَ بَرَعِ يَتَّ رِي لَقِي رَعَلِ وُلِّ دَاشِي رَ ،  
 عَ بِي لَ نَشِي رَ .  
 5 آتَّ دَنَمِ يُدِي رَنَ نَنَ مَ .  
 نَتَّ نَنَ قَمَ دَرَسَلْمُ يَرِ مَكَنْتَشِي فَنَدِ .»

عِسْرِي لَ شَ يَنْبِ سِرِ  
 6 عَلَلَّ نَشَ عَ مَسِنِ ،  
 «عِسْرِي لَ شَ يَنْبِ رِبَشِ سَشَنِي ،

شَ نَ مُ عَ رَنَانِ شَ قِ رَ،

أَمْ فِيلِمَ أَمْ نَتَّ قَشِ رَ.

عَ تَنَشِنَتِي مَتَمَّ كَبِيرَ،

عَ مَسْكِينِ مَتَمَّ سَنَكِرِ سِرِّ شَ قِ رَ.

7 عَ تَوْرُمِشِي شَ قِ مِي،

عَ تَنَدِ سِتْرِ شَ كِيَتِ سَدِ.

بَبَ نَ عَ شَ دِ، فَنَدِمَدِ كِرِنَ مَسَمَ.

نَ كِي عَ بَرَّ أَ شَلِي سَنِينِشِ رَسْتِ.

8 عَ دُفِ عَتَلَمَ عَ نَشَنَ نَسْشِ سِيكَ رَ،

عَ عَ سَ نَ مَ سَرَّ شَبَدِ قِ مَ.

عَ وَنَ سَمَ تَنَشِنَتِرِي رَ،

عَ نَ مِ نَ عَ شَ عَلِي شَ بَنَشِي كِي.»

9 «عَ نَ قَنَسِرِ وِلِي بَرِنَ نِمَ آي عَ،

أَتَنَ نَشَنَ عَمَرِ كِي هَلَكِ عَ بَ،

عَمَرِ كِي نَشِي شُنْفَبِ عَ سَنَبِّ فَبَ عَلَ كُنْدِ بِلِ.

أَنَشَ عَمَرِ كِي قَشِ بَرِنَ بَ نَا،

عَلَكِ عَ نَشَ نَ سَنَبِّ سَتَدِ سَنَنَ.

10 أَمَ نَ نَشَ وَرَمِنَ مِسَرِ بَشِ رَ،



آ ق و ر ح ر ح ت ت ف ن ا ن ب ن م ف ي ن ف ي ر ن ي م ،  
ع ل ك و ش ع م ر ب ش س ت .

11 آ ن ش م م ح ن م ي ر ك ل و ي م ،

ع ن ن س ر س ف ت ل ن ش ي ب ر ق ا م .

ع س ر ي ل ك ي ، ع م ن ن ك ش ؟ »

ع ل ت ل ش و ي ن ن ن ك .

12 « ك ن و ت ن ب ر ي ر س ن س ر م ش ي ي ر .

و ب ر ت ي د ش م م ح ن م ي ر

ع ع ن ش ع ل ش م س ن ي م س ن . »

13 « آ ق م و ب ن ش ن د ن ن م ،

ع ل ك ت ب ن ي ع م ش ن س ب ن ش م ك ن ش .

14 م ش ش ل ن ش م ن م ع ف د .

س ن م س ن ب م ن ع ي ر .

ف ر س ي ق ش م ن ف ر ك ي .

15 ت ن ب و ل م ت م .

ن ش ن ش ل ن ع ف د ن س ن ي م ع ب م ع ع .

س ي ر ف م ك س م .

16 نَ لَثِي فِرْسِي سُوَسَشِ عَ فِمَ عَ مَفَلِ نَن نَ،  
عَلَلَّ شَ مِسِنِي نَن نَ كِ.

## 3

عَلَّ لَثَنَ حَنَفِشِ عِسْرِيَلِ بَ

1 وَوَتَلِ مَتِ يِ مِسِنِي رَ،

عَلَلَّ لَثَنَ مِسَمَ عِسْرِيَلِكِي بَ،

عَ شِبِلِّ لَثَنَ نَمِنَ مِسْرَبِشِ رَ.

2 «أَوْتَنَ نَن فَبِنَسَنَ سَفَنَدِ دُحَّ شِبِلِّي بَرِنَ يِ مَ.

نَ نَن عَ رَ، آعَ حَنَفِشِ وَشَ حَشَنَكَّتْ سَتَّ وَشَ يِنِّي شَ قِ رَ.»

3 مِشِ قِرِنَ نَمَ حَرَّرَلِنَدِ

شَ عَ مَ لَنَشِ نَ مَ؟

4 يَتَّ عَ شِي رَمِنَمَ وُلَّ عَ

شَ عَ مَ سُبَ نَدِ سُنْشِ؟

5 شَنَ فَرَمَ يَلَّ كِي

شَ دَنَسِ مَ نَ يَلَّ رَ؟

فَنَتِي نَمَ قَلَدِ

شَ شَنَ مَ سُنْشِ عَ رَ؟

6 قِرِقِمَ تَا نَدِ كِي حَمَ كِي مَ عَقُ؟

فَبِلِي تَا نَدِ لِمَ، شَ عَلَّتَلْ شَ مُعَ رَفِرِ؟  
 7 مَرِفِ عَلَّتَلْ مُ قَقِي رِبِمَ،  
 عَ مُعَ شَ فُئِدَ مَسِنَ عَ شَ كُنِي نَمِحْنَمِي بَ.

8 يَتَّ نَ عَ شِي رَمِنَ، نَدِ مُ فَاشَمَ؟  
 مَرِفِ عَلَّتَلْ نَ وِنَ، نَدِ تَدِمَ نَ مَسِنَدِ؟

9 وَشَ يَ قَلَّ عَسِدِدِيرِ مَكَنْتَشِي كِي،  
 وَ مَنَ شَ يَ قَلَّ مَسِرِيرِ مَكَنْتَشِي كِي،  
 «وَشَ وَ مَلَنَ سَمِرِفِي قَرِ،

وَشَ عَ مَتَّ مَنَّكِي كَنْتَقَلِشِ كِ نَشَّ،  
 عَ نُنَّ عَ بَوْرِ تَوْرَمَ كِ نَشَّ.»  
 10 عَلَّتَلْ شَ مَسِنِي نَ يَ؛

«عَ مُ تَنْشِنِي يَ كَلَنَ،  
 عَ شَ قِ حَاشِ نُنَّ مَحَّ شُنَّ نَنَ تُنَّ مَسَقِي.  
 عَ نَشْنِ سَتَمَ، عَ نَ مَلَمَ عَ شَ يَرِ مَكَنْتَشِي نَنَ كِي.»

11 مَرِفِ عَلَّتَلْ نَشْنِ مَسِنَ، نَ نَنَ يَ كِ.  
 «وَوِي رِبِ، وَيَشِي نَ قَقِي وَشَ بَشِ كَنْدِ.  
 عَ قَمَ نَ وَشْنِ نَكَنْدِ،

ع ق و ش یر مکنتشی کن»

12 عتلل نش ع مسن،

«یت ن یئی عبو،

شرس د مدنی نم یئی سنی قرن،

ش ن م ع ر ع تل شنتنی ر کسد یت م.

عسر یلکی قن کیم ن ک ن.

سمرک لئی ع ملیم سد م،

لئی ع مفرم د مس مفر سنی کی،

و تن م کیم.»

13 منف عتلل ش مسنی نن ی؛

«و وتل مت آن،

ون مسن یشب بنی ب.

14 آن عسر یل حشنگت

ع ش یئی ش ق ر تمی نش،

آ من ع حشنگت ن ع ش سر شیدی ش ق ر لئی ن بتل.

ن سر شید سشی برم ن بش.

15 آ من ع ش بش تفتنی برم ن،

حَمَّ نُنْ سَفْقَرِ بَنْشِ بَرِن،  
 نُنْشِي رَتَقْنَشِ سِلِ حِي رَ.  
 «أَنْ بَرِن كَمَّ ن.»  
 عَلَلَّ شَ مَسِنِي نَنْ نَ كِ.

## 4

عَلَّ نَشْنَنْ بَنْشِ عَلَكَّ عَسْرِيَلِ شَ فِينِ عَمَّ

1 وَوَتْلِي مَتِي مَسِنِي رَ،  
 وَتَنْ فِنْ نُنْشِي لُشِ عَلَّ نِنْفِي،  
 نِنْفِي تَقْنِي نُنْشِي نَ بَسَنْ بَشِ مَ.  
 وَتَنْ نُنْشِي سَبْتَشِ سَمْرِي قِرَ،  
 وَتَنْ نُنْشِي مَسِكِينِ تَوْرَمَ،  
 وَتَنْ نُنْشِي تَمَّ سَتْرِي قِرَ.  
 وَنُقَّ عَقَلَمَّ وَشَ مَرِي بَ،  
 «وَقَّ بِيرَ، وَنَ نَشْنَنْ مَمَّ.»  
 2 مَرَفِ عَلَلَّ بَرَعِ كَلِ عَ شَ سِنِي رَ،  
 «كَيْتَ لُشِي نَ قَقِ.»  
 عَقَمَّ نَ وَسُشْدِ وَرِ كَنْكَرُنْشِي رَ،

ع وُنْ وُش دِي شَنِ.   
 3 وُمِنَمَ نَّ وُش تَت كَنَشِ كِي،   
 كَنَكَن تَشِ ع بَوْرِ شَنِ رَ.   
 ع وُشَنِمَ نَّ يِر مَكَنَتَشِ.   
 عَتَلَلْ شِ وُيِنِي نَن نَكِ.

4 «وُسَفَ يَتَلِ، عَلَكْ وُش يَنْبِ رَبِّ نَا.   
 وُسَفَ فِلْفَلِ، عَلَكْ وُش مَن شِ يَنْبِ سَت.   
 وُش سَرَّشِ بَ فَيْسَفَ يِرِن،   
 وُش قَوْلَ بَ حَ سَشَنِ يَ حَ سَشَنِ.   
 5 وُلَيْنِ تَامَ بَ تَنِي سَرَّشِ رَ.   
 وُش حَنَفِ سَرَّشِ مَسِنِ يِرِن بَ،   
 يِرِمَ نَ قِي مَوِي رَقَن وُش، وُش عَسِرِ يَلِكِي.   
 عَتَلَلْ شِ مَسِنِي نَن نَكِ.

6 «أَنُ بَرَكَاَمَ رَسَ وُش تَايِ كِي.   
 تَامِ يَ مَ لُ وُشِنِي.   
 كُنْ هَلِ آتِ نَ يِرِن نَبَ، وُش تَوْبِ آب.   
 عَتَلَلْ شِ وُيِنِي نَن نَكِ.

7 «كِكِ سَشَن ت ن لُشِ ش ش شَب،  
 آ تَدِن تَن رَفَرِدِ و م.

آ بَرَع نِي تَا نَدِي ش تَن سَت،  
 تَا نَدِي لَش ع سَت.

آ بَرَع رَفَرِنَدِي ش تَن سَت،  
 ش نَدِي لَش تَن سَت.

8 مِشِي بَرِ كِلِي تَا نَدِي،

ع سِفِي قِنْدِ تَا فَبِت كِي،

كُن ي شَلِي م ب ع م.

هَلِ آت ن بَرِن نَب، و م تُوْبِ آ ب.»  
 عَلَل ش مَسِنِي نَن ن كِ.

9 «آ بَرَقِرْفَر و ش سَنِي م،

آ بَرَع شَرَفِي ر.

كَتِي بَر و ش لَا كِي كَن،

ع ن و ش و ن سَنِي، و ش شَر سَنِي، ن و ش عِلُو سَنِي.

هَلِ آت ن بَرِن نَب، و م تُوْبِ آ ب.»

عَلَل ش مَسِنِي نَن ن كِ.

10 «أَبْرَقِرْ حَاشِي رِفْرَوْمَ،

عَلَّ آع رِبَشِ مَسْرَبَشِ مَكْ نَشْ.

أَبْرُوشِ سَقَّتِي قَشِ سَتَدَقَمِ رَ،

عَجْ بَرِشَرِ نَشِ تِ وَرَ.

وَيْشِي بَرَجِ شِ سِي تَنَفِ.

هَلِ آتِ نَ بَرِنِ نَبِ، وَ مِ تُوْبِ آبِ.»

عَلَّتْ شِ مَسْنِي نَنِ نَكِ.

11 «أَبْرُوحَشَنَكْتِ،

عَلَّ آسَدَمِ نَنِ فَرِحَشَنَكْتَشِ كِ نَشْ.

وَلُشِ نَ عَلِّ وَرِشَنِ مَمْنَشِ تِ.

هَلِ آتِ نَ بَرِنِ نَبِ، وَ مِ تُوْبِ آبِ.»

عَلَّتْ شِ مَسْنِي نَنِ نَكِ.

12 «أَقَمِ عِ تَنِ عَسْرِيْلَ حَشَنَكْتَدِ نَنِ مِ.

أَنِ يَ رَبِّ عِ رَ، عِ قَمِ نَ عِ مَرِفِ عَلِّ كَلْنَدِ.»

13 نَشْنِ فِي نِي دَاشِ،

نَشْنِ عَدَمِ شِ مَحْشِي بَرِنِ كَلْنِ،

نَشْنِ سِيْشِ قَنَدَمِ كِي رَ،

نَشْنِ حَرَمِ يَرِ عَتِشِ قِرِ،



عَ شَلٍ مَنَفِّ عَلْتَلْ .

## 5

عَلَّ وَمَ نَشَن شَن

1 وَوَتْلٍ مَتِي مَسِنِي رَ .

أَبْرِي يَيْتِ بَ عَسِرِيْلَ بَنَسِي خَن قِي مَ .

2 «عَسِرِيْلَ سَنِيْنَتِي بَرَقَشَ ، عَ مَ كَلِمَ سَنَنَ ،

عَ بَرِيْرَ ، مِشِي مَ عَ رَكِيْمَ .»

3 مَرَفٍ عَلْتَلَّ نَشَّ عَ مَسِنَ ،

«عَسِرِيْلَ بَنَسِي ،

تَا نَشَن شَمَّ وُلُ كَرَن شِيْمَ فَرِيْسَدِ ،

عَ شَمَّ كَمَّ نَن فَبَنَسَن تَمَّ فِيلِن نَ .

تَا نَشَن شَمَّ كَمَّ شِيْمَ فَرِيْسَدِ ،

عَ شَمَّ قُ نَن فَبَنَسَن تَمَّ فِيلِن نَ .»

4 عَلْتَلَّ نَشَّ عَ مَسِنَ عَسِرِيْلَ بَنَسِي بَ ،

«وُقَ آقِنَ عَلَكَّ وَشَ كِسَ .

5 وَنَشَّ آقِنَ بَتَلِ ،

وَ نَشَّ سِفَ فَلَئِلِ ،

شَ نَ مَ عَ رَرِيْسِيْبَ ،

بِرْمَ فَلْفَلِكِ بَرِنِ سِفَمَ نَّ كُنْيِي كِي،  
بِتِلِّ قَنَ هَلِكِمَ نَّ.»

6 وَاَعْتَلِّ قِنَ عَلِكِ وَشَ كِسِي.  
شَ نَ مَ عَ رَ، يَسْقُ بِنْسِي،  
عَلْتَلِّ وَ سَنَمَ نَ تَ رَ.

بِتَلِّكِ يِ مَ نَ نَشَنَ نَ تَ رَشِينِمَ.  
7 وَ تَنَ بَرَنَشِينِي مَقْنَدِ آ نَشْتَقِي رَ،  
وَ بَرِي سَرِي مَ.

8 عَلْتَلِّ نَنَ تَنِييِ سَ كُورِمَ،  
عَ دِمَ عِيَانِ سَبَشِ مَ،  
عَ سَفِ رَدُلِّ، كِي شَ سَ،  
عَ يِ تَنَفِ بَا مَ،

عَ نَ قَنَدِ تَنَ رَ، عَ فَرَبَشِ مَ.  
نَشَنَ نَ بَرِنِ نَبِمَ، عَ شِلِّ نَ عَلْتَلِّ.

9 عَلْتَلِّ مَشِ شُنْفِي هَلِكِمَ نَّ،  
عَ عَ شَ يِرِ مَكْنَتَشِي كَنَ.

10 عَ مَشِ شُنَمَ نَشَنَ كِيَتِ سَمَ سَرِي رَ،

نَنْدِ قَلِّ م رَقْنِ ع م .

11 و مَسْكِينِ تَوْرَمَ ،

و بِلِي جَمْعِ ي رَدُوتِ رَ .

و بَرَبْنَشِ تَقْنِي ت قِي رَ ،

كُنْ و م قَم سَبْتَدِ نِي كِي .

و بَرَوْنِ سَنَسِ قَنِي سِ ،

كُنْ و م قَم ن وَنِ مَنِدِ .

12 آ ع كَلْنِ و ش هَاكْ نِ و ش يَنْبِ فَبِ .

و تَنْشِنَتِي تَوْرَمَ ،

و سَرِي بَجْنَمِ كَبْرِشِ قِ رَ ،

و م سِتْرِي مَكِيْتَمِ نَنْدِ رَ .

13 ن ن ع تَشِ شَسْلِمِ دَنْدَمَ ،

بَرَمِ ي وَشَتِ م قَنِ .

14 و قِ قَنِي قِنِ ، و وِي بَ قِ حَاشِ رَ ،

عَلِّكْ و شِ كِسِ ، مَنَفِ عَلْتَلِ شِ لُ و سَيْتِ مَ ،

عَلِّ و عِ قَلْمِ كِ نَشِ .

15 و شِ قِ حَاشِ شُنِ .

قِ قَنِي شِ رَقْنِ و مَ .

وَشَ كَيْتِ شَ تَنْشِنَ .  
شَ وَ نَ رَبِّ ، تَمُّدُ ،

مَنْفَ عَلَّتَلْ كِنِكْنِمَ نَّ وَ تَنَ يُسْقُ بِنْسِي دُنْشِي مَ .

16 نَ نَنَ عَ تَشِ وَ نَ مَرِفِ عَلَّتَلْ ،

دُنْجَ دَا مَنْفَ نَشَ عَ مَسِنَ ،

« عَ عَ وَ شِي عَتَمَ نَّ تَا كِي ،

عَ عَ وَ شِي عَتَمَ نَّ كَرَشَنَ مَ .

عَ شَ سَ شِلْمَ نَّ عَ شَ عَ وَ شِي عَتِ حَنَ قِ مَ ،

عَ بَيْتِي شِلْمَ نَّ عَ شَ قَشَ بَيْتِ بَ .

17 أَا نَ دَنْفَمَ شَ رَمْتِي نَشَ ،

أَا وَ شِي نَنَ تَنَ مَمَ .»

عَلَّتَلْ شَ مَسِنِي نَنَ نَ كَ .

حَشَنَكَّتْ دِيْنِي بَ

18 حَشَنَكَّتْ نَ مِشَ بَ

نَشَنَ وَ مَ عَلَّتَلْ شَ كَيْتِ لُشِي شَ قَ .

وَ وَمَ مَنَسِ شَنَ مَ نَ لُشِي ؟

نَ قَنَدِمَ دَمَ نَنَ نَ وَ بَ ،

نَ مَ قَنَدِمَ نَيْلِي شَ رَ .

19 ن لُرَنَّ عَلِّ مَشِ نَشْنَع فَمِ يَّتِي رَ،  
عَقَّ سَخِّ لَ.

عَنْ سَبَشِ كِي، عَع كَلْنِ بَشِ رَ،  
بِشْمَسِ قَع شِن.

20 عَلَّلْ شَ كَيْتِ لُثِي مُ قَدَشِ دِمِ شَ رَ؟  
نَعْلِي ي م ن وَبَّ نَ لُثِي.

21 «أَبْرَوْشَ سَلِي شِن،

ع م رَقْنِ أَم قِقِ م.

أَم وَمَع شِن قَو.

22 وَشَ سَرَشَ فَن دَاشِ ي،

وَشَ قِرْلَ سَرَشِ ي،

وَشَ شَنْتِي سَرَشِ ي،

عَ سِسِ م رَقْنِ أَم.

أَم تَمَع رَسْشِد، هَلِ كَرِن.

23 وَبَيْتِ شِي مَكِّي أَن.

أَم وَمَ وَشَ كَرَبَيْتِ شِي رَمَقِ.

24 أَم وَشَ نَشْنِ شِن،

تَنْشَنْتِي شَ فَبِ وَي مَ عَلِّ ي نَشْنِ نَ بَا م.

وَشَ قِ قِنِي شَ لُ عَلِّ شَرِ نَشْنِ مُ شَرِم.

25 وَتَنْ فِينْفِيرِنْ يِرْحَ تَنْفَ نَانِ بِنِ مَ،  
وَسَّرَشِي بَنْ؟ عَدِ.

26 وَكِي مَشَنْ نَ،

عَلْ وَشَ مَنْفَ عَلَ، نَشَنْ شِلِ سِكْتِ،  
شَنْ مَعْ رَوْشَ تَلِي عَلَ، نَشَنْ شِلِ كِينِ،  
وَأَشِي يَثْلَنْشِ وَيْتِ رَ؟ عَدِ.

27 أَقَمَّ نَ وَشَنْدِ كِنِي كِي دَمَسِ شَنْبِ رَ،  
مَنْفَ عَلْتَلَّ شَ مَسِي نَنْ نَكِ.

## 6

### حَشَنَكَّتْ بَنْ مَشِي بَ

1 حَشَنَكَّتْ نَ وَبَ،  
وَتَنْ نَشِي لَشِ وَيْتِ رَسِينِ نَنْ سَمْرِفِي قَرِ،

عَسْرِيْلَ بَنْسِي عَ شَشِلِ تَمَّ وَتَنْ نَشِي رَ.

2 وَسَ كَلِنْ مَتَ، عَ نَنْ شَمَتَ، نَ تَا شَنْفِي.

وَمَنْ شَ فَرَقَلِسْتِ بَشِ مَ فَتِ مَتَدِ.

نِي قِسَ وَبَ؟

عَ شَ بَشِ فَبِ وَفِ بَ؟

3 وَعَ مَحْشَنَشِ نَّ عَ حَشَنَكَّتْ لَشِي مٌ وُلْمَ،  
كُنْ وَعَ نَيْمَ نَّ قِ حَاشِ شَ وَسْتُ.

4 وِو مَلِمِ سَدِّ تَقْنِي مَ،  
وَيْشِي نَنْ نَفِّ قَنِي دَنَمَ،

5 وَسِفِ سَ كَرَرِ.  
وَحَشَّ عَ مَ عَ وَقَتَ نَ رِبْدِ عَلِّ عَنَبِ دُودِ.

6 وَوَنِ فِنَبِ مَنَمَ،  
وَتُرْفِي مَسَ وَقَتِ مَ.

نَ كِي، وِو مَ كَنْتَقَلِمِ يَسْقُ بَنَسِي شَ حَشَنَكَّتْ شَ قِ رَ.  
7 نَ نَ عَ تَشِ، وَسِفِ سِفَمَ كَنِي كِي.  
وَشَ شَلِي دَنَمَ نَ.

8 مَرَفِ عَلْتَلِ بَرَعِ كَلِي عَ يَّتَ رَ.  
مَنَفِ عَلْتَلِ شَ مَسِنِي نَ يَ؛

«أَيْشَبَ بَنَسِي شَ يَّتَ عَفْبَحَ شَنَشِ.  
عَ شَ يَرِ مَكَنْشِي مٌ رَقَنِ أَمَ.  
أَقَمَ نَ عَ بَرِنِ هَلَكِدِ.»

9 شَ شَمَّ قُ نَ بَنَشِ نَدِ كِي،

عَ بَرِنَ قَمَّ نَّ قَشَدِ .

10 عَ بَرِنِي نَّ سَ نَ بَنَشِ كِي عَ قُرِي تَقْدِ ، عَ شَ عَ فَنَ ،

عَ قَمَّ نَّ مَشِ مَشَرِنِدِ نَشَنَ نَشَنَشِ بَنَشِ كِي ،

«مِشِ قَبَّتِ نَ بَ بَقِ عَ تَنَ نَ؟»

عَ عَ يَامِ نَ ، «عَدِ .»

عَ مَنَ فِيلِمَ نَّ عَ قَلِ رَ ، «عَ سَبِرَ ،

عَ مَ لَمَ عَلْتَلِ شَلِ شَ قَلِ ،

11 بِرِمَ عَلْتَلِ نَنَ يَامِ قَمَ

عَ بَنَشِ شُنْفَبِ يَ ، بَنَشِ لَمَ يَ ،

عَ بَرِنَ شَ رِبَرِ ، عَ شَ كَنَ .»

12 سِي نَمَ عَ فِدِ قَمَ يَرِ ؟

نَنَفِي نَمَ مَنَ بُشَدِ ؟

عَوَ ، مُنَقِ رَوُ تَنَشِنِي مَقْنَدِمَ تَنَشِنَتِرِي رَ ،

وَسَرِي مَقْنَدِ قِ حَاشِ رَ ؟

13 وَسِيَوْمَ قِ قَقُقُ رَ .

وَنَشَ عَ وَشَ قِ بَرَسُونِي وَيَتَ سَنَبَ رَ .

14 مَنَفَ عَلْتَلِ شَ مَسِنِي نَنَ يَ ؛

«نَ نَنَ عَ تَشِ ، آ قَمَ كَلِدِ وَشَلِ مَ ، عِسْرِيَلِ بَنَسِي .»



وَتَنْ نَشِي نَ شَمَتَ هَنْ عَرَبَ شُرِّ،  
سِ نِدِ قَمَ نَّ وَتَوْرُدِ.»

## 7

عَلَّ شَ لَا مَتِّي سِنْفِ عَنَبِ عَمْسِ بَّ  
1 مَرِفِ عَلَّتَلْ نَشَّ يِ لَا مَتِّي مَسِّنِ آ بَّ،  
شَّ تْ شَبَّ، مَنَفَّ شَّ سَنَسِ نَيْنَ قَنَ نُنَّ نَ مَنِّي،  
عَلَّتَلْ نَشَّ كَتِّي رَمِينِ.  
2 عَ تْ فَّ سَنَسِ بَرِنَ دُنْدِ بَشِ مَ،  
آ نَشَّ عَ قَلَّ،  
«مَرِفِ عَلَّتَلْ، آ بَرَعِ مِينِدِ،  
عَ شَّ عَ شَّ يُّبِ شَقَرِ،  
شَّ نَ مَ عَ رَيْشُبَ بِنْسِي قَ بَلْمَ دِ؟  
عَ سَنَبَّ مَ فَب.»  
3 عَلَّتَلْ نَشَّ كِنِكِنِ عَ مَ، عَ قَ عَ مَسِّنِ،  
«عَوَّ يِ مَ رِبْمَ كَرَّ.»  
عَلَّتَلْ شَّ مَسِّنِي نَنَ نَ كِ.

عَلَّ شَ لَا مَتِّي قِرِنَ نِدِ عَنَبِ عَمْسِ بَّ  
4 مَرِفِ عَلَّتَلْ نَشَّ يِ لَا مَتِّي مَسِّنِ آ بَّ،

مَرِفِ عَلْتَلِ نَشَّ عَ حَنْفِ تَّ شَ دَّشْ .  
 تَّ نَشَّ بَشِ يَرِنَ فَنَ ، بَشِ يَ يَرِنَ نَشَّ شَرَّ .  
 5 آ نَشَّ عَ قَلِّ ،

«مَرِفِ عَلْتَلِ ، آ بَرَعِ مِينِدِ ، دَنَ مَنَّ ،  
 شَ نَ مَ عَ رَيْشَبَ بَنْسِي قَ بَلَمَّ دِ ؟  
 عَ سَنَبِّ مَ فَبُ .»

6 عَلْتَلِ نَشَّ كِنَكِنِ عَ مَ ، عَ قَ عَ قَلِّ ،  
 «عَوَّ يَ مَ رَجَمَ كَرَّ .»  
 مَرِفِ عَلْتَلِ شَ مَسِينِي نَنَ نَ كِ .

عَلَّ شَ لَامْتِنِي سَشَنَ نِدِ عَنَبِ عُمَسِ بَّ

7 مَرِفِ عَلْتَلِ نَشَّ يَ لَامْتِنِي مَسِنِ آ بَّ ،  
 مَرِفِ نُ نَشَّ بِلَشِ تَنْشِنَشِ قَرَّ ،  
 بِرِكِ مَتْنَشِنِ سِ نُ سَشَشِ عَ يَ رَ .  
 8 عَلْتَلِ نَشَّ آ مَشْرِنَ ،  
 «عَصِّسِ ، عَ مُنَسِ نَشُّ ؟»

آ نَشَّ عَ يَابِ ، «بِرِكِ مَتْنَشِنِ سِ .»  
 مَرِفِ نَشَّ عَ مَسِنِ ،  
 «آ وَ مَ آ مَ حَمَّ شَ مَتْنَشِنِ .  
 آ مَ دِحَمَّ سَنَنُ .»

9 كِي بُتْدِي كَمَّ نَّ عَسِيفَ شَ بُشِ مَ .  
 عَسِرِيلَ شَ سَلِدِي رِبْرَمَ نَّ .  
 أ كَلِمَ نَّ يِرْبَوْمَ بُنْسِي شِلِ مَ سَنَتَدَقَمَ رَ .»

### عَمْسٍ نُنْ عَمْسِي

10 بتلِ سَرَّشُدْبَ عَمْسِي، نَشَّ عَ مَسِنَ عَسِرِيلَ مَنَفَّ يِرْبَوْمَ بَّ، «عَمْسِ  
 نَ عَ يَنْتَقِي عَسِرِيلَ بُنْسِي يَ مَ . عَ نَشَّنَ قَلَمَ عَ مَ قَنَ بُشِ بَّ .  
 11 عَمْسِ نَشَّ، «يِرْبَوْمَ قَمَ نَّ قَشْدَ سَنَتَدَقَمَ رَ . عَسِرِيلَ سِفَمَ نَّ كُنْيِي كِي  
 حَمَّ مَ .»

12 عَمْسِي نَشَّ عَ قَلَّ عَمْسِ بَّ، «عَ تَنَ نَشَّنَ لَامُتْنِي تَمَّ، كِلِ بَ عَ سِفَ  
 يُدِي . عَ شَ سَ عَ بِلِي قَنَ مَنَنِ نَمْحَمَّ وَلِ كِي،  
 13 كُنَّ عَ نَشَّ نَمْحَمَّ مَسِنِي تَ بَتْلِ دِ، بَرَمَ مَنَفَّ شَ سَلِدِ نَ مَنَنِ نَّ، عَ  
 شَ مَنَفَتَا نَنَ نَارَ .»

14 عَمْسِ نَشَّ عَمْسِي يَابَ، «نَمْحَمَّ مَ نَ نَ . أ بَبَ قَنَ نَمْحَمَّ مَ عَ رَ .  
 شُرْسِ كُنْيِي نَنَ نَ . أ سَكَمَرِ سَنَسِ قَنَ نَوْلَمَ .

15 عِلْتَلَّ نَشَّ أَ شِلِ شُرْسِي تَفِ، عَ قَ عَ مَسِنِ آ بَّ، «سِفَ، عَ سَ نَمْحَمَّ  
 مَسِنِي تَ آ مَ حَمَّ عَسِرِيلَ بَّ .»

16 يَكْسِ، عَ تَلِ مَتَ عِلْتَلَّ شَ مَسِنِي رَ، عَ تَنَ نَشَّنَ عَ قَلَمَ آ بَّ، «عَ نَشَّ  
 نَمْحَمَّ مَسِنِي تَ عَسِرِيلَ بَّ، عَ نَشَّ وِينَ عَسِيفَ بُنْسِي بَّ .»

17 نَ وَبِي مَ، عَلَّتَلْ نَشْ، عَ شَ فِنَ قِنْدِمَ نَ لَنْفِي رَتَا كِي. عَ شَ دِي  
 قَشَمَ نَ سَنَتَدَقَمَ رَ. عَ شَ بَشِ بَمَ نَ عَ يِ رَ، عَ عَتَشُنَ مِشِ فَبِي مَ. عَ تَنَ،  
 عَ قَشَمَ نَ بَشِ سَنِيتَرِ مَ. عَسِرِيلَ قَنَ شَنِمَ نَ يِرَ، لَشَنَ مَكِي عَ شَ بَشِ رَ.»

## 8

عَلَّ شَ لَامَتِي نَانَ دِ عَنبِ عُمَسِ بَ

1 مَرِفَ عَلَّتَلْ نَشَ يِ لَامَتِي مَسِنَ آ بَ،

دِبِ نَنَ نَ عَ رَلَشَنَ نَقَشِ سَنَسِ بَفِ مَشِ رَ.

2 عَ نَشَ آ مَشِرِنَ،

«عَمَسِ. عَ مُنَسِ تَشِ بَ؟»

آ تَشَ عَ يَابَ،

«دِبِ رَفَشِ سَنَسِ بَفِ مَشِ رَ.»

عَلَّتَلْ نَشَ عَ مَسِنَ آ بَ،

«آ مَ حَمَ عَسِرِيلَ قَنَ بَرَمَ.»

آ مَ دَحَمَ سَنَنَ.»

3 عَلَّتَلْ شَ مَسِنِي نَنَ يِ،

«نَ لَشِي سِفِ لَشَنَ سَمَ مَنَفَّ شَ بَشِ كِي،

نَ مَسَرَمَ نَ وَشِي رَ.

قُرِي رَلَتَنَمَ نَ يِرِينَ،

بِرِن دُنْدُم نَّ نَ لَشِي،»

4 وَوَتْلِي مَتِي مِسِنِي رَا،

وَ تَن لَشِي سِتَر تَوْرَم،

وَ تَن لَشِي تَوْرَمِش حَشَنَكْتَم.

5 وَ نَش، «كَلِك نِين سَلِي حَم مَن تَمِي،

عَلَك وَ نَش سِر مَت؟

مَلِي لَشِي حَم مَن تَمِي،

عَلَك وَ نَش مَال مَت؟

وَ نَش نَدِب وَ نَش مَس مِينِي سِي رَا،

وَ نَش نَدَس وَ نَش مَس سِي شُن م.

وَ نَش سِكِلِي كَلَتَرِي لَن.

6 وَ نَش مِسَكِين مَت كَبِر رَا،

وَ نَش سِتَر مَت سَنَكِر سِر رَا.

وَ نَش مَال شِر مَت ع لَف رَع شُن م.»

7 عَلْتَل نَش ع كَل ع يَت رَا،

يَشِب بَنَسِي ع يَت عِفَم عَل نَشَن نَا،

«أَم تِيم ع رِب قِي م،

هَن دُنْحَ حَن.  
 8 يِ بَشِ قَمَ كَنَدِ نَ نَ مَ.  
 بِكِي بَرِن لَم سَنَنِ نَ كِي.  
 بَشِ سَرَمَ نَ عَلَ مِسْرَشِرْ،  
 نَشَن بَبَرَمَ، عَ مَن فِيلِن.»

9 مَرِفِ عَلَلَشَ مَسِنِي نَ يِ؛  
 «آ قَمَ نَ عَ رَفَرِدِ نَ لَشِي،  
 سَفِ فَرَعِ فَرَتَمِي مَ عَ لَشِ،  
 دِمَ سِنَ بَشِ مَ يِنِي رَ.  
 10 وَشَ سَلِي مَسَرَمَ حَن سِي نَ نَ،  
 وَشَ سَفِي مَسَرَمَ وَشِي نَ نَ.  
 آ سَنَنِ دَنَمَ رَفَرَمَ نَ وَ مَ،  
 آ وَشِي بَ سَنَنِ قِ مَ.  
 آ قَمَ نَ سَنَنِ شَنَفِ رَفَرِدِ بَشِ مَ،  
 عَلَ دِ كَرِنِي نَ قَشَ.  
 نَ شَنَ مَ بَمَ وَ مَ عِبَدَن.»

11 مَرِفِ عَلَلَشَ مَسِنِي نَ يِ؛

- «نَ لُشِي كَامَّ سِنَمَ نَّ بَشِ مَ،  
 كُنْ دُنِي كَامَّ مُعَ رَ، يِ شِلِ قَنَ مُعَ رَ.  
 وَ كَامَّ عِلَلَّ شَ مَسِنِي نَنَ مَ قِ رَ.  
 12 وَ بَشِ بَرِنَ عَفِيرَمَ نَّ، كِلَقِي كُولَ مَ هَنَ سَفْتَدِ،  
 عِلَلَّ شَ مَسِنِي قَنَدِ،  
 كُنْ وَ مَ عَ تَمَ.  
 13 نَ لُشِي وَ شَ فَنَدِ مَدِي نُنَ وَ شَ سَفْتَلِي قَشَمَ نَّ نَ كَامَّ مَ.  
 14 سِنَفِ، عَ نُّ عَ كَلِمَ سَمِرَشَ عَلَ وُلِ دَاشِ نَنَ نَ.  
 عَ نُّ عَ قَلِ، دَا بَرَا كَلِ دَنَ شَ عَلَ رَ.  
 دَا بَرَا كَلِ بَرَسِيَبَ شَ عَلَ رَ.  
 كُنْ عَ قَمَ نَّ بَرِدِ، عَ مَ كَلِمَ عَبَدَنَ.»

## 9

عَلَّ شَ لَامَتِي دُنِي عَنَبِ عُمَسِ بَّ

1 آ لَشَ لَامَتِي نَدِ تَ،

مَرِفِ نُنَ سَرَشِيدِ قَرِ.

عَ نَشَ عَ يَمِرِ،

«سَلِيدِ شُنِي رِبِرِ،

سَلِيدِ سِنِي عَتَلِ.»

ع بَرِن شَسْ بِر مِشِي شُن مَ .

آ ع ش دِي هَلِكَم نَّ سَنَدَقَم رَ .

مِشِ كَرِن م كِسَم .

مِشِ كَرِن م ع نَشْمَ آ م .

2 هَلِ ع فَر عَ لِفِيمَ ، آ نِي سَشْم نَّ .

ش ع ت كُورَم ، آ نِي رَفَرَم نَّ .

3 ش ع ع نَشْنُ آ م كَرِمِلِ فِي قَرِ ،

آ ع قَم نَّ ، آ ع سَش .

ش ع ع نَشْنُ آ م بَابُن مَ ،

آ بَشِمِيسِي بِرِم نَّ ع ش ع شِن .

4 ش ع يَشِي ع شِن كِنِي كِي ،

آ يَامَرِ قِم نَّ ع ش ع قَش سَنَدَقَم رَ .

آ نَ آ ي تَم نَّ ع رَ ،

كُن نَ م قَدِم مُنَقِي رَ ع بَ ،

ع قَدِم حَشَنَكَّت نَ نَ ع بَ ،»

5 مَرِفِ عَ لَلِ ، نَشْن نَ مَنَف رَ ،

ش ع ع حَنَفِ ع ش دِن بَش رَ ،

بَش سَرْتَم نَّ ،



مِشِ بَرِن لُ سُنُنِي كِي،  
 عَ عَمَمَنَّ، عَ مِنْ عَ عَفْرُ عَلِّ مِسْرَ شُرْ نِلِ نَ بَنَرِن حَّ.  
 6 عَ بَرَع شَ لِنْفَرَتِ كُورِ مَ.  
 عَ بَرَّ كُورِ وَلَشَّ لُ بَشِ شُن مَ.  
 عَ ي رِكَلِمَ بَا مَ، عَ رِدِنَ بَشِ مَ.  
 عَ شِلِ نَّ عَلَلَّ.

7 عَلَلَّ شَ مَسِنِي نَن ي؛  
 «عِسْرِي لَكِي، وَتِدِّ مُ فَبَّ آ بَّ عَلِّ عَتِي كِي؟  
 آ مُ وَرَمِنَ شَ مِسْرَبَشِ رَ،  
 عَلِّ آ قَلِسْتَكِي رَمِنَ كَقْتَرَكِ نَشَّ؟  
 آ مُ وَرَمِنَ شَ مِسْرَبَشِ رَ،  
 عَلِّ آ سَرِي كِي رَمِنَ كَرَكِ نَشَّ؟  
 8 وَوَيِي رِبِ؛

مَرِفِ عَلَلَّ بَرَّ يَنْبِي شَ مَنَفِي تَ،  
 عَ قَمَّ نَّ نَ هَلَكِدِ ي دُحَّ بَدَّ حُ قَرِ.»

9 عَلَلَّ شَ مَسِنِي نَن ي؛  
 «كُنَّ آ مُ يَشَبَّ بَنَسِي بَرِنَ هَلَكَمَ.»

آ يَامِرِ قَم نَّ عَلَّكَ عِسْرِيْلَ بِنْسِي شَ مِيْفِتِ .  
 آ عَ عَقِمَ نَّ عَلِّ مَالِ عَقِمَ كِ نَشَّ ،  
 عَلَّكَ شَرِّ قَنِي كَرِنَ نَشَّ بَرِ .  
 10 كُنْ يَنْبِيْ نَشِيْ بَرِنَ نَ آ مَ حَمَ يَ مَ ،  
 آ عَ قَشَمَ نَّ سَنَتَدَفَمَ رَ ،  
 عَ تَنَ نَشِيْ عَ قَلَمَ ،  
 عَ مَ مَ قَمَ مَشُ حَشَنَكْتَدِ ،  
 نَ حَشَنَكْتَمَ مَ مَشُ لَمَ .»

### عِسْرِيْلَ شَ كِسِي

11 «نَ لَشِيْ آ دُوْدَ شَ مَنَفِيْ كَنَشِيْ عَتَمَ نَّ .  
 آ قَمَ نَّ نَ يَثْلَنَدِ ،  
 آ قَمَ نَّ عَ رَكْلِدِ عَلِّ عَ سِنَفِ .  
 12 عَ مَنَ عَدَنَ مَسْتَمَ نَّ ،  
 عَ نُنَ سِ بَرِنَ آ شِلِ سَشِيْ نَشِيْ شُنَ مَ .»  
 عَلْتَلَّ شَ مَسِنِيْ نَنَ نَ كِ ،  
 عَ قَمَ نَّ نَ بَرِنَ نَكْلِدِ .  
 13 عَلْتَلَّ شَ مَسِنِيْ نَنَ يَ ؛  
 «وُؤِيْ رَبِّ ؛

لَشِي قَمَّ عَ لِدِ،

شَّ سِي نُنْ شْ شِي وِلْمَ وَشْتِ كَرِنَ.

وَنَ بِي نُنْ شْ سِي، قَنَ وِلْمَ وَشْتِ كَرِنَ.

وَنَ فِيمَ نَّ فَيِّ قَرِ،

هَنَ فَيِّ بَرِنَ بِنْدَ.

14 أَنَّ أَمَّ حَمَّ رَفِيلَمَ نَّ عَ شِنِي كَلِقِي رَكْنِي كِي.

عَ قَمَ نَّ تَا كَنَشِي تَدِ، عَ سَبْتِمَ دَنَشْ.

عَ وَنَ يَلِي سَمَ نَّ، عَ عَ وَنَ مِّنْ.

عَ لَأَكِي سَمَ نَّ، عَ عَ بَفِ دَنْ.

15 أَمَّنْ عَ رَسَبْتِمَ نَّ عَ شْ بَشِ مْ.

عَ مْ كَلِمَ بَشِ مْ سَنَنْ

أَ دَنَشْ قَشِ عَ مْ،»

وَمَرَفِ عِلْتَلِ شْ مَسِنِي نَنْ نَ كِ.

عِنْدَ يَرِّ، تَوْرَتِ، كِتَابِي؛ سُسُّ

**The Holy Bible in the Susu language of Guinea, using  
Arabic script**

copyright © 2015 Mission Evangélique Reformée Néerlandaise et les Traducteurs Pionniers de la Bible

Language: Susu

Contributor: Pioneer Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-11-11

---

PDF generated using Haiola and XeLaTeX on 1 Oct 2024 from source files dated 29 Jan 2022

04e1b19d-d8ed-5e80-bd24-2a80bcef13bd